



Broj: 03-11-388-44/20
Goražde, 11.08.2020.godine

Na osnovu člana 11. Zakona o imovini Bosansko-podrinjskog kantona Goražde („Službene novine Bosansko-podrinjskog kantona Goražde“, br.5/11 i 8/16), Poglavlja VI Uredbe o prodaji sredstava („Službene novine Bosansko-podrinjskog kantona Goražde“, br.9/16 i 7/17), Plana raspolaganja nepokretnom i pokretnom imovinom koja se ne koristi za 2020.godinu („Službene novine Bosansko-podrinjskog kantona Goražde“, br.3/20), Odluke Vlade Bosansko-podrinjskog kantona Goražde o poništenju Ponovnog javnog oglasa za prodaju motornih vozila putem pribavljanja pisanih ponuda i davanju saglasnosti za otpočinjanje postupka prodaje istog putem neposredne pogodbe, uz smanjivanje početne cijene za 50%, br.03-11-1230/20 od 10.07.2020.godine, Vlada Bosansko-podrinjskog kantona Goražde **objavljuje**:

JAVNI POZIV

za učešće u postupku prodaje službenog motornog vozila putem neposredne pogodbe

1.PREDMET PRODAJE

1.1. Predmet prodaje je službeno motorno vozilo koje se ne koristi, a nalazi se u vlasništvu ili je dodijeljeno na korištenje kantonalnim organima uprave i kantonalnim upravnim organizacijama, a kako slijedi:

R/B	Marka i tip vozila	Oznaka registarskih tablica/vlasnik	Broj šasije	Broj motora	Snaga i zapremina motora kW/cm ³	Godina proiz.	Početna prodajna cijena /KM/
1	Opel Astra F-CC Benzin	Neregistrovano/ Agencija za privatizaciju BPK Goražde	W0L0TFF19WS047056	X14NZ19726652	44/1389	1997	500,00

1.2. Službeno motorno vozilo iz prethodne tačke nalazi se na parkingu ispred zgrade Vlade Bosansko-podrinjskog kantona Goražde, u ulici 1.slavne višegradske brigade 2A, u Goraždu i isto se može pogledati za vrijeme trajanja Javnog poziva svakim radnim danom u terminu od 11:00 – 15:00 sati, a uz prethodnu najavu na sljedeći telefonski broj: 038/222-274.

2. NAČIN PRODAJE

2.1. Prodaja navedenog vozila se vrši metodom neposredne pogodbe, prema načelu „zatečenog stanja“ ili „viđeno-kupljeno“, bez naknadnih reklamacija, prigovora i žalbi koje se odnose na predmet prodaje.

2.2. Prihvatljivom ponudom smatra se ponuda čiji je iznos jednak ili veći od iznosa početne cijene za motorno vozilo (500,00 KM).

2.3. Ugovor o kupoprodaji će se zaključiti sa ponuđačem koji je u toku neposredne pogodbe ponudio najveći iznos kupoprodajne cijene za navedeno vozilo.

3. PRAVO UČEŠĆA

3.1. Pravo učešća u predmetnom postupku prodaje putem neposredne pogodbe imaju sva pravna i fizička lica prisutna na dan prodaje, **dana 02.09.2020.godine (srijeda), u 09:00 sati**. Ponuđači su obavezni sa sobom ponijeti važeći identifikacijski dokument sa slikom (lična karta, vozačka dozvola, pasoš i sl.). Ukoliko pravno lice predstavlja zakonski zastupnik, isti je obavezan predati na uvid rješenje o upisu u sudski registar i iičnu kartu. Ukoliko pravno lice zastupa punomoćnik, isti je obavezan predati na uvid valjanu punomoć za zastupanje i ličnu kartu.

4. DAVANJE PONUDA

- 4.1. Ponude se daju neposredno, usmeno, za vrijeme trajanja postupka prodaje putem neposredne pogodbe.
- 4.2. Svaki učesnik je vezan svojom ponudom sve dok se ne da veća ponuda, s tim da iznos za podizanje ponude ne može biti manji od 100,00 KM.
- 4.3. Postupak prodaje putem neposredne pogodbe traje sve dotle dok se nude veće ponude.
- 4.4. Postupak prodaje putem nesporedne pogodbe će se zaključiti, ukoliko u roku od pet minuta od drugog poziva za davanje veće ponude, nije data veća ponuda.

5. DATUM, VRIJEME I MJESTO PRODAJE

- 5.1. Prodaja predmetnog motornog vozila putem neposredne pogodbe će se održati dana **02.09.2020.godine (srijeda), sa početkom u 09:00 sati**, u velikoj sali na 1.spratu zgrade Vlade Bosansko-podrinjskog kantona Goražde, u ulici 1.slavne višegradske brigade 2A, u Goraždu.
- 5.2. Postupku prodaje predmetnog motornog vozila putem neposredne pogodbe mogu prisustvovati zainteresovani ponuđači, fizička lica lično ili po punomoćniku, odnosno osoba koja je ovlaštena da zastupa pravno lice ili opunomoćenik za učešće u predmetnom postupku prodaje.

6. OSTALE ODREDBE O PRODAJI PUTEM NEPOSREDNE POGODBE

- 6.1. O toku postupka prodaje putem neposredne pogodbe vodi se zapisnik u koji se unosi tok postupka, kao i cijene ponuđene od strane učesnika postupka prodaje putem neposredne pogodbe.
- 6.2. Učesnici u postupku prodaje sredstva putem neposredne pogodbe mogu podnijeti prigovor do zaključenja zapisnika iz prethodne tačke.
- 6.3. Prodaja putem neposredne pogodbe je valjana i ako u njoj učestvuje samo jedno fizičko ili pravno lice, pod uslovom da je ponuđena cijena ista ili veća od početne cijene koja je utvrđena u ovom Javnom pozivu.

7. OBAVEZE NAJPOVOLJNIJEG PONUĐAČA/KUPCA

- 7.1. Najpovoljniji ponuđač, odnosno kupac je dužan uplatiti puni iznos kupoprodajne cijene za motorno vozilo u roku od 7 (sedam) dana od dana obostranog potpisivanja kupoprodajnog ugovora, u korist depozitnog računa Bosansko-podrinjskog kantona Goražde, br. 1327310410293154, otvoren kod „NLB banke“ d.d. Tuzla - filijala Goražde, vrsta prihoda: 722631, budžetska organizacija: 11010001 (Vlada BPK Goražde), općina: 033.
- 7.2. Kupac je dužan preuzeti kupljeno motorno vozilo, najkasnije u roku od 5 (pet) dana od dana uplate kupoprodajne cijene.
- 7.3. Kupac snosi sve troškove vezane za kupljeno vozilo (npr. prijenos vlasništva, transporta, preregistracije, osiguranja, porezi i slično).
- 7.4. Ukoliko kupac ne uplati utvrđeni iznos kupoprodajne cijene ili ne pristupi zaključivanju kupoprodajnog ugovora u ostavljenom roku, smatraće se da je odustao od kupovine i zaključenje kupoprodajnog ugovora ponudiće se sljedećem najpovoljnijem ponuđaču.

8. DODATNE INFORMACIJE

- 8.1. Vlada Bosansko-podrinjskog kantona Goražde zadržava pravo da prihvati ili odbije ponude, obustavi ili poništi prodaju motornog vozila po ovom Javnom pozivu u bilo kojoj fazi postupka, sve do momenta uplate kupoprodajne cijene.
- 8.2. Ovaj Javni poziv se objavljuje na službenoj web stranici Vlade Bosansko-podrinjskog kantona Goražde (www.bpkg.gov.ba), u TV programu RTV BPK Goražde i na službenoj oglasnoj ploči u zgradi Vlade Bosansko-podrinjskog kantona Goražde.



VLADA BOSANSKO-PODRINJSKOG
KANTONA GORAŽDE